



Poništeni tenderi za nabavku više artikala

VOJNICI OSBiH OSTAJU BEZ HRANE?!



U posljednjih nekoliko mjeseci poništena četiri tendera, ukupne vrijednosti 6,7 miliona maraka • Vojska ostala bez ribe, ćurećeg mesa, suhomesnatih proizvoda... • Ponude označene kao neprihvatljive

Ministarstvo odbrane BiH poništilo je prije dva dana novi tender za nabavku prehrambenih artikala za potrebe Or-

užanih snaga (OS) BiH, objavljeno je na Portalu javnih nabavki. Vrijednost poništenog tendera iznosi 324.801 KM bez PDV-a, a odnosio se na naba-

vku svježe i zamrznute ribe te svježeg ćurećeg mesa. Ovo je već četvrti tender koji je poništen u posljednjih nekoliko mjeseci.

3. strana

Poništeni tenderi za nabavku više artikala

Hoće li vojnici uskoro ostati bez hrane?!

U posljednjih nekoliko mjeseci poništena četiri tendera, ukupne vrijednosti 6,7 miliona KM

• Jelovnici ostali bez ribe, ćurećeg mesa, suhomesnatih proizvoda...

M. ASGIC

Ministarstvo odbrane (MO) BiH poništilo je prije dva dana novi tender za nabavku prehrambenih artikala za potrebe Oružanih snaga (OS) BiH, što je objavljeno i na Portalu javnih nabavki, otkriva „Dnevni avaz“.

Ponude neprihvatljive

Vrijednost poništenog tendera iznosi 324.801 maraku bez PDV-a, a odnosio se na nabavku svježe i zamrznute ribe te svježeg ćurećeg mesa. Ovo je već četvrti tender koji je poništen u posljednjih nekoliko mjeseci, i to za više vrsta prehrambenih

artikala, uz obrazloženje da „nijedna od primljenih ponuda nije prihvatljiva“, otkriva „Dnevni avaz“.

Prema dokumentaciji koja je u posjedu našeg lista, ova državna institucija poništila je i 4. decembra prošle godine tender za nabavku hrane prve klase. Tender se odnosio na nabavku polutrajnih suhomesnatih proizvoda od junećeg i goveđeg mesa.

Ukupna vrijednost ovog tendera bila je 5,5 miliona maraka, a poništen je i dio javnog poziva koji se odnosio na halal program. Isti ovaj tender poništen je u ju-

nu prošle godine, zbog čega je i bio raspisan novi, koji je, također, opet proglašen neuspjelim.

Halal program

Istog dana, 4. decembra prošle godine, poništen je i tender težak 1,1 milion KM, za nabavku konzerviranih jela (juneći program i halal program), masnoća, ali i svježe i zamrznute ribe te proizvoda od soje.

U svim tenderima kao razlog za poništenje, iako je navedeno da je broj firmi koje su se javile za isporuku artikala veći od tri, naglašeno


je da „nijedna ponuda nije prihvatljiva“. Ukupna vrijednost poništenih tendera iznosi oko 6,7 miliona maraka.

324,8

hiljada maraka vrijednost tendera poništenog prije dva dana

6,6

miliona KM vrijednost dva tendera poništena 4. decembra

	
<small>Adresa: Maršala Tita 9a/1 Telefon: (033) 251-590 Faks: (033) 251-585 E-mail: en@povremobavka.gov.ba Web: https://www.cjn.gov.ba</small>	
<small>Datum i vrijeme slanja obavještenja na objavu: 12.2017. u 12:21</small>	
OBAVJEŠTENJE O PONIŠTENJU POSTUPKA NABAVKE 723-1-1-6-4-197/17	
ODJELJAK I: UGOVORNI ORGAN	
I 1. Podaci o ugovornom organu	
Naziv	MINISTARSTVO ODBRANE BIH
IDB/JIB	4200745400004
Kontakt osoba	Damijan Stanišić
Adresa	Hamdije Kreševljakovića 98
Poštanski broj	71000 Sarajevo (bhp)
Općina/Grad	Stari Grad (Sarajevo)
Telefon	(033) 286-574
Faks	(033) 286-697
Elektronska pošta	nabavka_prodaja@mod.gov.ba
Internet adresa	www.mod.gov.ba
II 3.c. Procijenjena ukupna vrijednost okvirnog sporazuma bez PDV-a u KM	
5550747,54	
I Opis	
1. Naziv predmeta okvirnog sporazuma	
LOT 7 - POLUTRAJNI SUHOMESNATI PROIZVODI JUNEČI/GOVEDI PROGRAM	
2. Kratak opis predmeta okvirnog sporazuma	
LOT 7 - POLUTRAJNI SUHOMESNATI PROIZVODI JUNEČI/GOVEDI PROGRAM	

Faksimil poništenog tendera o nabavci junećeg i govedeg mesa



**OSBiH: Vojnici
godinama kubure
s lošom ishranom**

Tenderi godinama padaju

Ovo nije prvi put da MOBiH poništava tendere za nabavku hrane za potrebe OSBiH. Tenderi su poništeni i 2013. godine, a zatim i 2015. Osim hrane, poništavani su i tenderi za nabavku

drugih potrepština, poput ogrjeva, naftnih derivata, odjeće i obuće. Zbog toga je ova institucija prošle godine formirala i komisiju kako bi otklonila sve probleme s nabavkama.